



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七九六

乙丑重編飲冰室文集八十卷（卷五十五至卷八十） 梁啟超 撰

一

念謨池館文存四卷小辟疆園詩存一卷勤補拙齋漫錄一卷

蝸巢聯語一卷 顧鳴鳳 撰

六九九

護國之役電文及論文(續前)

新會 梁啟超

復段總理電六月二十五日

北京段芝老鑒奉稱電具見懷重國法至意但其中有誤解法理之處既辱明問敢盡所懷尊電惟一之論點謂不宜以命令變更法律僕等所見則三年約法絕對不能認為法律而此次宣言規復絕對不能認為變更此義辨明則一切可迎刃而解凡法必有系元年約法既經政府公布前大總統宣誓遵守欲修改自有其修改之程序即該五十五條所規定是也修改不依此程序即不能冒約法之名新者既不能冒此名則舊者之效力自在不過此三年餘有法外之力為之梗而固有之效力一時中斷今法外之力既去則固有之效力自然復活今全國人民急望政府下一明令者不過欲政府將已然之事實宣布以釋羣疑何變更之可言即如此次我大總統依法繼任政府對內對外迭經聲明所依何法非根據元年約法規定程序所欽冰室文集 卷五十五 中華書局印行

衍生之大總統選舉法耶使三年約法而為法也一法不容兩存則被該法所廢止之原大總統選舉法定當非法云何能依果爾則何不於六月九日開所謂石室金匱以別選元首夫我大總統正位而海內外共仰為合法者無他焉以三年約法之不成為法也又如我公今所長之機關為國務院國務院者元年約法之機關三年約法所未嘗有也三年約法若為法元年約法定非法公所長之院何由成立今公發布院令而中外共許為合法者無他焉以三年約法之不成為法也揆諸法理如彼徵諸事實如此則三年約法之非法確成鐵案命令變更之嫌疑何由存在法之性質辨之既明則尊電所援非衷法理更無俟辨猶慮有餘疑請更為剖斷尊電謂若不認三年約法為法恐近年一切法規為之動搖乃至條約公債判決皆將無效云云不知法自有種別一般法自非隨根本而搖動法國八十年間憲法變更數十次一般法何嘗蒙其影響變更且然況元年約法之效力僅為中止者乎今國人誓死以爭者在根本法非一般法尊電所深慮者可無慮也尊電謂三年約法所以為世詬病正緣其以命令變更法律今不宜效尤再誤且言彼時之變更幾經曲折世

猶嘗其縱恣今毅然一令更修恐更貽口實云云是義不然三年之役項城以命令變更法律誠信議也以其所變更者確為法也曷以明其為法也參議院議決之元首公布之國人公認為法項城自身亦認為法也今茲國人希望廢止三年約法決不能指為以命令變更法律以其所廢止者確非法也曷以明其非法也法之成立其程序必根據於其母法三年約法絕無根據而反於母法也非特國人公認為法即今大總統之地位今國務院之地位皆必先不認為法而始能存在也夫以命令變更法律無時焉而可者也雖百方紆迴其途其不可如故也故項城雖巧立名目千回百折貌為慎重而終不能逃舉世之責備今政府若認規復元年約法為變更法律耶則豈惟政府下令為不可而已根據各省代表之主張猶之不可也各省代表無議法之權也廣徵名流意見猶之不可也名流發言無法律上之責任也以各省軍民長官為從違猶之不可也政府且不敢擅政府所屬之行政官更何論也求援於國會議員之個人猶之不可也議員在院外無權能也僕等以為政府若能認清三年約法之非法則以命令廢止命令何嫌何疑若必強指此非法之法以為欽冰室文集 卷五十五 中華書局印行

法而欲於其間求一塗飾耳目之程序則左衝右撞必終於無辦法而已來電又謂甲乙命令可迭相廢則元首更代法律隨轉將來無法為甚恐援我為例云云此語尤屬過慮以令廢法項城作俑繼今以往可斷無人敢效項城亦無人能效項城今茲規復元年約法正欲根據該法第五十四條之規定產生憲法傳諸無窮豈有隨元首以迭更之理若如尊電所疑度則規復終無善法殆可決言或更取徑於所謂造法機關者以產生法律如是則元首更代一次即造一次法尊電所憂此實當之矣尊電又云法爭頁否不爭遲速僕等謂苟遲焉而有妙算亦所願聞等是支離遲何如速前文所舉皆法理談耳若就政治作用論之則今當風雨飄搖之時全國視線以此問題為焦點政府亦既察輿情之不可終拂易為不羈落英斷以繫物望而定民志若再遷延時日誠恐展轉誤會國民不諒政府慎重國法之苦心或疑為無俯從民望之誠意則影響所播殊非國家之福我公明達其必有以處此專此敬復梁啟超有

復黎大總統電六月二十五日

北京大總統鈞鑒頃奉有電。垂念松坡。委曲周至。同深銘刻。滬督上訴需時。頃經探悉。在川德法醫人均有名字。已託在滬德法人分電就近馳診。天不絕中國。必留此才。贊公大業。若必來滬就醫。重慶以下。均有商輪可達。段總理電派兵輪。頃已電請稍緩矣。啓超稽顙。有。

復段總理電六月二十五日

北京段芝老鑒。有電敬悉。軫念松坡。重才愛國。同深感荷。初擬自滬延醫西上。而所需時日過多。喉爲劇症。應難久待。現經探悉。在川法德醫人均有名字。已託在滬德人分電就近馳赴行營施診。賴公之靈。必占勿藥。如需來滬就醫。屆時再當電懇轉飭沿江文武妥爲照料。宜昌以下。商輪甚便。江艇不能泝渝。應否飭緩上駛。伏候裁酌。超有。

致段總理電六月二十六日

北京段芝老鑒。一昨奉復兩電。想達記室。啓超自聞喪後。茹痛絕事。曾電西南各省辭解軍務院撫軍諸職。一切國事不復與聞。既而項城云亡。時局銳變。我公及各省欽。冰室文集卷五十五 中華書局印行

當局。偶垂諮訪。不敢不竭誠奉答。惟盼中央速從根本籌維。迅舉犖犖數端。以壓天下之望。荏苒兼旬。新猷未覩。念屠火積薪之局。不勝榮婦恤緯之悲。本晨起閱報。忽親海軍宣言。事既未有聞。驟聽不禁失色。默察機兆所趨。愈覺殷憂無極。今當國運剝復之會。實爲國命絕續所關。國民望治既火。熱而水深。政府布化實風行而草。俱與論所請求之數事。本非強政府以甚難。何苦作無謂之遷延。徒以致無窮之口實。又爲對於前日廣東取消獨立所發之明令。於解決時局有何裨益。徒挑衆庶之惡感。增意氣之激昂。若此種揚湯止沸之策。屢續施行。則將來殘棋急劫之爭。安知所屆。我公扶危持顛。實無旁貸。願以精心鉅眼。細察全國心理。所趨逆料某事。某事爲政府所不能不辦者。即自勤以辦之。無俟國人之要求。逆料某事。某事爲政府所不宜堅執者。務再思而後行。勿惹國人之反對。大抵政府多一分之公明。英斷。則增一分之威信。時局多一日之曖昧。遷延則加一日之艱險。以公之明。其必有以處此。啓超夙愛和平。憚言破壞。區區微向公所素知。況亟急爲黃土廬墓之謀。尤熟盼洗甲止戈之象。今觀南北形勢。益加渾沌。憂從中來。不可斷絕。不辭婢直。竭此謹言。

願鑒微誠。更賜明諒。啓超有。

通電六月二十六日

北京黎大總統段總理雲南唐都督貴陽劉都督長沙桂軍行營陸都督湯都督南軍陳護督杭州呂都督大洲驛蔡總司令松坎戴總司令肇慶岑都司令南京馮上將軍鑒。今日見報。知有海軍暫時不受北京命令之宣言。各處紛紛向起詢問情由。超自聞喪後。已疊電辭去各職。罕接外事。惟前此曾與海軍稍有間接交涉。項城逝世。旋已停止。於真日電告戴之都督在案。此次海軍舉動。超事前未嘗與聞。其情節如何。無從懸揣。答復。特此電陳。梁啓超有。

致段總理電六月二十七日

北京段芝老鑒。頃因海軍事有所感慨。上一明電。措詞稍激。想承恕諒。聞報知公堅求引退。公日來嘔心忍氣。情形超雖在遠。猶能想像一二。公之灰心。固無足怪。但以現狀論之。公若不忍辱負重。此國便將瓦解。此非超漫作諛詞。實灼見之而深憂之。故無論如何。望公必勉任其難。爲國家度此厄運。惟有一義。欲請公深爲注意者。現欽。冰室文集卷五十五 中華書局印行

當人心鬱然不靖之時。政府切勿授以可乘之口實。以供煽動之資料。則輿論庶漸趨平穩。而險關或可望安渡。超因海軍事推測事勢。憂心如焚。深慮枝節愈生。愈多。時局遂不可收拾。要之。今日欲救危亡。必先求保全政府之威信。而增長之。公若信超確然顧全大局之人。對於西南各省及大局。事有疑難處。或賜詢訪。必當竭誠以告。倘能補助我公一二。間接以挽浩劫。何幸如之。超決擬從事社會教育。以終其身。本絕口不欲談時事。憂危所觸。輒難自制。言挾血淚。伏唯垂鑒。靜生日內入都。此公誠摯。穩健。當能以南中情形爲公傾吐也。啓超。 復各都督各總司令電六月二十七日

雲南唐都督貴陽劉都督長沙行營陸都督南軍陳護督杭州呂都督肇慶岑都司令欽州蔡總司令松坎戴總司令肇慶承實見推與唐君少川同協商等後事宜。並令會推參贊擇定地點等情。我獨立省分會派專員與北協商之議。本實屬都督提議。戴之都督主張不必每省分派。超初亦覺此著甚要。惟察現在形勢。似難實行。盡現在情形不宜取對抗協議之形式。而我各省共同之要求。實不外約法國會數端。皆

已單銜發表且目的將達更無協議之必要此外各省軍政財政善後問題情節複雜絕非局外人所能代表郵意前議似可作罷別由各省前敵各軍各自與中央交涉反為有益實際又軍院待約法規復國務院改組後似宜當宣告撤廢至都督名稱則暫勿改待將來外官制畫一解決以上各節請公決一致至超超聞喪未逾百日萬不敢越禮出而與社會交際協商代表事能完全罷議最善否則亦請別任賢能俾全禮防非敢規避辭卸實欲求心所安乞見原啟超

致各都督各總司令電六月二十八日

雲南唐都督貴陽劉都督長沙分送桂行營陸都督湯都督南寧陳護督杭州呂都督敘州蔡總司令松坎戴總司令肇慶岑都司令韶州李總司令鑒如舟都督巧效兩電勒奉軍務院宜亟圖撤廢誠如公言若此機關久存非惟我輩倡義本心不能自白且恐有人假借名號生事怙亂將來反動之結果轉助復辟張目此最可憂鄙意宜各省聯名將舟公巧電所主張逕電中央請以明令改組國務院任員署理軍院即行宣告撤廢至規復約法除明令別無完善手續此事殆將解決不必別敘冰室文集卷五十五五中華書局印行

生枝節善後會議不外軍財兩政非可籠統代表舟公主各省分別接洽超甚贊成昨上公電已表此意超超

致各都督各總司令電六月三十日上海發

雲南唐都督貴陽劉都督長沙桂行營陸都督南寧陳護督敘州蔡總司令松坎戴總司令鑒護密段芝泉來電有涉想將來罔知所居人心至此國步如何自惟材輕萬難收拾仔肩之卸國會為期等語兩旬來芝老應付時局雖多未協機宜超亦著屢電責備然此公宅心公正持躬清直維持危局非彼輩屬其舉措不滿人意之處實緣眼光稍短非懷惡意現有數派人專以排彼為事無非欲達個人權利目的此公若被擠去北軍人人自危大局將不可問且彼賦性澹泊宜慮把持竭力度此難關俟國基定後各政客豈患無機會以自表見今汲汲傾軋真乃以國為戲首義諸公宜持正義免彼灰心短氣請分致一誠懇之電勸其勉任鉅艱且言萬事願與協商俟內閣改組後必力為擁護仍別電元首乞益加倚界或可挽其去志超前致幹老電謂誓力觀變為要今仍抱此宗旨然所觀之變為何種實難逆料近親人欲橫

流之象深恐元二年覆轍復見昨電力贊葉舟兩公速撤軍院之議實深有所懼諸公想會此意超

致各都督各總司令電七月一日

雲南唐撫軍長肇慶岑撫軍副長貴陽劉都督敘州行營蔡總司令松坎戴總司令長沙分送桂行營陸都督湯都督南寧陳護督杭州呂都督韶州李總司令鑒頃已奉明令復約法召國會任段芝泉組新閣我輩要求已達軍院宜立即宣言撤廢謹擬電文如下北京大總統國務院總理各部總長參議院眾議院各省將軍巡按使北京英文京報國民公報轉各報上海時事新報中華新報轉各報均鑒軍務院第三號布告文如下帝制禍興滇黔首義公理所趨輿情一致桂粵浙秦湘蜀相繼仗義其時因戰禍遷延未知所屆獨立各省前敵各軍不可無統一機關故暫設軍務院為對內對外之合議團體其組織條例第十條規定本院俟國務院依法成立時撤廢之等語屢次宣言布告一再聲明今約法既復國務總理既特任雖閣員未經國會通過然當國會閉會時元首先任命以俟追認實為約法所不禁現國務院既

飲冰室文集卷五十五五中華書局印行

依約法而成與本院組織條例所指正合今大總統之依法繼任既符獨立各省最初之宣言政府國會次第成立尤為全國人民心理所同慨本軍務院謹依組織條例於本日宣告撤廢其撫軍及政務委員長外交專使軍事代表等名目一併銷除國家一切政務靜聽元首政府國會主持為此布告天下咸使聞知云云此電務乞公決即日由滇拍發用撫軍全體署名再此電恐廣州電局閱歷不達聲應恭戴行營亦慮延閣請桂速轉肇駁速轉蜀超

致馮上將軍電七月一日

南京馮上將軍鑒前次辭生趨謁曾以粵省善後辦法奉商現粵禍迫眉睫非速求轉國勢必糜爛以牽全局超去春在粵時龍曾言願得督辦雲貴兩廣林礦名義即可退粵此時為龍稍留面目似以此為最宜靜生入都曾託向元首及芝老陳陳乞公更為主張專民承感紹儀超

致黎大總統段總理陳總長電七月一日

北京分送黎大總統段總理陳財政總長鑒頃得松坡來電內鑒鑒喉病自去年出

京以來迄未得療治之餘裕今已成頑性非就專門醫家速為調治似難奏效本擬即日脫卸飄然遠引一以踐言一以養病乃軍中會議數次羣尼吾行目觀全軍情況善後各事諸待部署安頓此時實難忍絕裾而去鑄直接所部除川黔軍外滇軍原有三梯團計共二十營自滇出發以來僅領滇餉兩月半年來關於給養上毫無補充以致衣不蔽體食無宿糧每月火食雜用皆臨時東劈西挪拮据度日當兩軍對峙軍事方殷之時為對敵觀念所激羣置給養之豐歉於不問今大局既定恤實之費不能不立為籌給以前欠餉不能不急事補發借之商民貸款不能不依限償還凡此種種均非由鑄負責辦清無以安衆心而全信用職上所需各款共計在三百萬內外現擬派員赴京交涉請中央從速籌發如蒙函丈電政府將此項款費提前撥給俾鑄得早日脫身以全初志尤為盼切如何乞示復鑄叩勒等因查此次松坡所部營苦功高半年來艱沛困衡情形此電所陳實未罄萬一松又以久病之身亟思結束引退以圖療養政府為軫恤義勇軍士計為籌惜愛國人物計似不能不提前籌款以昭激勵且表示與南軍開誠相見一視同仁之至意明知今當司農缺冰室文集卷五十五

中華書局印行

致馮上將軍電七月一日

南京馮上將軍鑒頃接松坡電內開梁新會先生鑄喉病自去年出京以來迄未得療治之餘裕今已成頑性非就專門醫家速為調治似難奏效本擬即日脫卸飄然遠引一以踐言一以養病乃軍中會議數次羣尼吾行目觀全軍情況善後各事諸待部署安頓此時實難忍絕裾而去鑄直接所部除川黔軍外滇軍原有三梯團計共二十營自滇出發以來僅領滇餉兩月半年來關於給養上毫無補充以致衣不蔽體食無宿糧每月火食雜用皆臨時東劈西挪拮据度日當兩軍對峙軍事方殷之時為對敵觀念所激羣置給養之豐歉於不問今大局既定恤實之費不能不立為籌給以前欠餉不能不急事補發借之商民貸款不能不依限償還凡此種

種均非由鑄負責辦清無以安衆心而全信用職上所需各款共計在三百萬內外現擬派員赴京交涉請中央從速籌發如蒙函丈電政府將此項款費提前撥給俾鑄得早日脫身以全初志尤為盼切如何乞示復鑄叩勒等因查松坡此次任事之艱苦超知之最詳該電所言實未罄萬一蓋本身瀕於死者五六次全軍日惟半飽所食雜以糠粃然而轉戰半年衆志如一初出滇境僅持兩月餉以後一無接濟今謀善後僅需三百萬嚴正堅卓之操宜鬼神所同欽今以久病速求息肩若政府不急為籌維真足令天下短氣知我公素愛重松坡前靜生督謁曾許對於西南力為援助取瀝誠懇懇代達中央又中央或籌措尙艱更請公從各方面代為設法湊墊成數俾解眉急豈惟松坡之感亦大局之幸啟超稽顙東二

致陸陳兩都督電七月二日

南寧陳護督並轉行營陸都督鑒東冬電擬軍務院撤廢之布告想達此議本根據冀公蒸電所主張弟最初即贊成今約法國會已復內閣已改組自當實依蒸電辦法若今猶不撤則太不為黃陂留地步中外疑駭危險萬端望兩公與滇黔合力主

卷五十五

中華書局印行

持超冬

復黎大總統電七月三日

北京大總統鈞鑒奉東電沖挹逾恆擬借溢分無任惶悚超絕非敢有所規避但為私為公此時皆決不宜就職已別電黎季常轉託乾若宗孟代達下忱伏為矜原此身雖在江湖苟有利於國者當惟力是視也啟超稽顙江

致岑都司令電七月四日

肇慶岑都司令鑒護密軍院之撤滇黔浙既主張超亦謂現在實為適當時機不獨為大局計而已即為軍院計今各省各軍皆無異糧捐借之路兩絕非與政府協商易由接濟結束而政府仰屋亦同於我終不能不乞靈外債南北不統一外債決無成立之望論者或謂以此窘蹙中央自誇妙策夫袁既倒而必欲更窘蹙黎段是否為國家之福且勿深論曾亦思窘蹙中央需一月者未半月而我先已自窘蹙耶政客逍遙海上絕不知軍中甘苦而放言高論從何理喻論者動口留此為交換條件吾不知所欲換之條件為何何索軍費耶外債不成雖黎北京當局而攝政之安能有

得即許我亦徒虛語耳。占地盤耶。我方與人對抗。即有命亦安能受。即此兩事。固非撤廢後無從著手也。論者謂當俟正式政府成立。此固根據條例嚴格正辦。但事實上正式政府何時成立。殊難預期。國會開會尚待一月。其時段去留未定。段去則總理問題發生。無論誰為總理。組閣談何容易。非一月恐難就緒。萬一國會稍濫用同意權。則全閣一兩月虛懸。亦意中事。國家安能支久許。我軍安能支久許者。所要求交換之條件。未必得要領。而此數月中。或別生變故。以至不可收拾。則國人縱不責我輩。我輩良心亦何能無疚。況即以欲得之條件。論開誠協商或較易。對抗要求或較難。論者必謂喝聲可以奏功。而不計猜逼可以激變。此非能周徹中邊也。鄙意謂軍院宜依實公蒸電提議。乘此時迅告撤銷。一面仍力促軍事善後會議之進行。我獨立各省之代表。仍集上海。先行會商。使論調略歸一致。其各省各軍特別情形。各自交涉。而全體隱為後援。其有萬難容留之人。如龍濟光者。現在既合力驅除。此後仍堅持要請。以必去為度。正不必以軍院存否為輕重也。超日來因持論稍趨和平。已為此間一部分人士所集矢。超固無畏無懼。然深恐海上政客心理。廣續煽揚。結飲冰室文集 卷五十五 九 中華書局印行

致陸陳兩都督電七月四日

南寧陳護督並轉行營陸都督鑒。幹公號電江奉。感搶交并。為覺頓復仇。國法私情。皆不容已。迫龍交凶。自是正辦。然龍必不肯交。蓋不待問而知。故非去龍不能達懲凶之目的。頃已分途與中央交涉。惟有兩義欲取決於兩公者。其一中央去龍。或不致逕予斥黜。慮其負固激變。兩公謂宜調以何職。彼去春語超謂欲為滇黔桂粵四省礦務督辦。此可許否。其二繼彼者宜為何人。超則謂非幹公不能統馭彼舊部。而安其反側。且專盜亦非幹公莫治。不識公能俯憐粵民九一擔任否。聞湘人堅欲留公。公能擺脫否。此外則西林亦佳。然彼已謫言引退。恐更難發。且所部複雜。而與龍

直接惡感甚深。不審接手後有無棘手也。以上兩條。望立復。俾得向中央切實商榷。啟超支

致黎大總統段總理電七月四日

北京大總統國務院鈞鑒。前讀松坡督川明令。即去電勸其就任。頃日得彼來電。似未知此事。頃奉黔州電。轉述松龍電。稱周入成都。自稱崇武將軍。川軍民憤甚等語。黔督問明令是否已下。必有名義。乃能維持云云。超意或周將電令閣截。乞嚴飭電局速達。再別電大洲驛欽州飭蔡赴任。俾得迅平大難。蜀幸甚。超叩。支

致各都督各總司令電七月五日

雲南唐都督貴陽劉都督長沙分送湯都督桂行營陸都督。南寧陳護督。杭州呂都督。肇慶岑都司。敘州蔡總司令。松坎戴總司令。暨東甯請撤軍務院並擬布告。想達。浙已先通電主張諸公。想皆同意。布告發時。希先以簡電飛示。因長電每經旬乃達也。軍事善後要求。一面各派代表交涉。一面仍當以電提出。大概條件。各省饒瘠本既不同。兵事進行。久暫亦異。自不能合提籠統條件。或不要求補助。而規定兵額。飲冰室文集 卷五十五 十 中華書局印行

復唐都督電七月五日

雲南唐都督鑒。東支兩電均悉。軍務院即行撤廢。及軍事善後代表先行來滬集議。各節均為目前最要之著。頃上各電亦同此意。所擬布告。乞迅由滇拍發。俾得速布。此電當即轉知各處。松龍已頻電促其就職。惟渠尚未奉到督川明文。想為周峻壓抑所致。已電京飭查并補發矣。啟超歌二

致陳都督陸都督岑都司令電七月六日

南寧陳護督並轉行營陸都督。肇慶岑都司令。暨范靜生電述芝語。謂據最新報告。龍軍增多。已逾五萬。士練械精。勢非易與。岑陸代龍策誠善。但按諸軍事方面。多未妥擬。留龍暫支目前。俟時局略定。決當令其離粵。以慰眾望。此中實具苦心。望能見諒云云。廉察其對待專事。似主意已定。頗難變更等語。超已讀電痛痛留龍之害。

更屬孝懷面陳。惟芝意能回否不可知。請轉致日初子雲柱一禮。望諸公超魚。

復段總理電七月六日

北京段總理鑒。支電奉悉。靜生兩電述教言。益深欽感。取消獨立事。東日已飛電各省。並代擬撤軍務院之布告。現雖未得復。然滇黔及蔡戴。皆先有電來。同此主張。想因電閣遲。故至今未表示。然諒不出數日也。專事情節複雜。可憂甚多。別有電託靜生再陳。新聞員似尚徘徊。已力勸速北。聽否不敢必耳。超魚。

復黎大總統電七月六日

北京大總統鈞鑒。敬電奉悉。鈞座延攬之誠。不言久。超絕非謬。為矯矯鳴高。鈞鑒尤非選擇職務有所擇而不為。素性所存。以鈞座知我之深。必能信諒。實錄自審。才器所宜。覽今後報國之途。與其用所短。以勞形於政治。毋寧用所長。以獻身於教育。軍與以前。早懷此志。一俟大局稍寧。自當經始所業。現當國運艱危。要關鈞座宵旰。勞動超雖無職守。在義亦當趨詣。稍襄憂勤。奈綴絃在身。不敢以入公門。守制滿百日後。若故鄉秩序未復。營葬非時。或當北行。一承鈞誨也。超稽顙。魚。

欽定文庫全書 卷五十五

中華書局印行

致各都督電七月七日

杭州呂都督雲南唐都督貴陽劉都督南寧陳護督並轉行營陸都督鑒。得京電。知將有明令。任命五省軍巡。奉到時。望必一致復電受命。哀死後。獨立本已不成。名詞黎又為我軍首戴。斷無抗拒。廢軍院既各省同意。望即日宣布。統一之形。既成。善後乃可著手。粵民水深火熱。專恃幹公為解倒懸。元首為地擇人。苦心遠識。乞幹公千萬勿辭。謹代表鄉人百叩以請。超啟。

致陳陸兩督軍電七月七日

南寧陳護督衡州桂軍行營陸督軍鑒。得京電。知已任幹老督粵。元首總揆。軫念吾鄉。擇賢作牧。超雖苦塊。哀痛。亦為喜躍。孝懷靜生入都時。原約以政府主。意若決務先電超。待電商幹老。求同意。乃可發表。但粵禍迫眉睫。非急調龍。粵必糜爛。轉折電商動費旬日。故不能待。事前未接洽之咎。望為政府曲原。尤請幹老即日復電受命。千萬勿辭。更請幹老竭誠勸駕。幹老高蹈本懷。超所深察。但請再勞苦數年。為吾粵清積匪。定治本。此後林泉之興正長也。龍調何位置。京電未詳。大約交代尚稍需時。

日望幹老即日由湘返施。以蘇粵民。並告日初停戰。勸西林約束所部。以免塗炭。費攻觀音山。決非易且。使龍藉口反抗。禍尤烈也。盼立復。並加轉行營。超陽二。

致蔡松坡電七月七日

敘州蔡督軍鑒。督川命想已復電。允受。望更勿遲。段來電言。曹軍聽弟裁處。望電京主張撤退。超陽。

致范靜生電七月七日

北京化石橋尚志學會范靜生君鑒。孝懷同鑒。電悉。已立分電各處。且電肇息兵。惟陸非一月後。不能到。龍久不交代。恐粵難未已。謹告明現在。聲可派其暫行代理。此若極要。乞商當局。務望垂採。請孝速電岑。止兵。電由續線往。勿致龍閣。李宜有位置。超陽。

致陳陸兩督軍電七月八日

南寧陳護督並轉行營陸督軍鑒。督粵之命。事前未求同意。純為救粵。急起。見萬勿誤會。幹公若辭。龍必藉口。繼後。為困獸之鬥。粵必糜爛。幹公體上天好生之德。宜不忍坐視。即決意高蹈。亦必先接任。以度此難關。徐圖舉賢自代。全粵安危。繫公一諾。謹百拜請命。超已電京。請就月波。日初擇任一人。派署。先交代。以待公至。湘境桂軍。似不必拔隊全退。湘方亂。亦宜留兵助鎮。慎堂在營。當可料理。望輕裝減從。速救此一方民。此電望幹老速轉行營。並立復。超庚。

欽定文庫全書 卷五十五

中華書局印行

致陳督軍電七月八日

南寧陳護督鑒。陽庚電計。連幹老實授粵督。暫署湘督。湘粵各得所。甚善。惟龍離任太遲。粵難終無由靖。已請改派月波。或日初。暫署。仍託華甫勸龍速退。未知能否有效。總望幹老作速返施。乞為力勸。又請懇勸肇慶即日息兵。否則曲直有在。且因獸之門。所傷實多也。盼復。超庚。

致岑西林電七月八日

肇慶岑都司令鑒。得京電。知已任幹老督粵。公當為粵慶得人。龍仍暫署。恐實難相安。已電京商改派。未知能否有效。惟在粵滇桂兩軍。此後態度。最當審慎。如孟浪續攻。曲在公等。且若絕不許龍以收束之餘裕。則與困獸鬥。勝算未卜。即勝其傷實多。

一旦專城糜爛。公等將分受怨毒。願公熱商慎處。盼立復。啓超庚。

致馮上將軍電七月八日

南京馮上將軍鑒。頃得京電。知以龍辦礦。任陸督粵。粵人欣感無量。陸到任前。龍仍暫署。此亦正辦。惟粵中如肇羅欽廉高雷潮韶等屬。已處於與龍不能兩立之地。李軍正進逼省城。現超離去。實力勸息兵。然龍作數月淹留。恐粵難終未已。望公以私誼。龍自行電京。言願迅離任。求別派署。為龍計。早晚終須去。速則稍留去思。遲則益增惡感。萬一戰端不弭。粵固糜爛。龍亦復損。何苦不求身名俱泰之道。望公飛電為陳利害。能派員面勸尤善。龍若採納。則署理者似以廣西師長譚浩明最宜。譚現駐梧也。盼復。啓超庚。

致唐劉各督軍戴省長電七月十日

雲南唐督軍。貴陽劉督軍。瀘州蔡督軍。南軍陳督軍。並轉行管陸督軍。松坎戴省長鑒。冀公處電。擬正式閣成。始撤軍院。固屬正辦。然新聞恐甚難產。現危機四伏。似不宜久留此空名。以資口實。望當機立斷。超蒸。

飲冰室文集

卷五十五

中華書局印行

致羅總司令電七月十二日

瀘州蔡督軍轉羅總司令鑒。經年共事。尺素不通。藏寫之懷。與日俱積。得松電知病轉劇。須東下療養。蜀事舉公自代等語。松體本弱。今漸成痼疾。我輩當為國家讓惜。此賢若中央能允所請。望公更勿辭。公雖有桂長之命。然桂局安謐。所待於公者。不如蜀之切也。如何盼復。啓超文。

通電七月十五日

北京分送參議院。眾議院。國民公報。英文京報。轉各報。貴陽劉督軍。並轉唐蔡任。戴岑陸陳諸公鑒。劉督軍實電。追述眾議院副議長陳君國祥參預首義功績。字字核實。無任欽佩。去冬滇黔舉義。固全由唐劉任諸公。忠勇無雙。神機獨運。亦賴京津諸賢苦心戮力。戴循若偕王伯羣由滇黔入京。專與超及松坡商護國軍方略。同寓火道口陳君宅中。伯羣信宿即行。此後迭次秘密商議。惟蔡戴及蹇季常湯覺頓並陳君與超六人。徐佛蘇旋加入。時京津使騎密布。此七人之危苦可想。其間與滇黔通電多賴陳君幹旋。蔡戴南下。各事多賴陳君料理。起義後京中消息。全賴陳兩君隨

時詳報。俾滇黔得以防維。應付其賢勞。堅卓。現從軍者未遑多讓。此皆事實。超敢證明。又參議院議長王君家襄於帝制發生後。即請假南下。超在滬時。義軍初起。旋託王君北行偵察。與蹇陳及梁君善濟共事。同歷艱苦。此為劉督所未知者。謹一併據實陳明。藉供秉公審查之助。梁啓超叩。咸。

復陳陸兩督軍電七月十七日

南軍陳督軍。並轉行管陸督軍。鑒。公文元電。刪奉。敬為粵民謝。得幹公通電。知蒸日已拔隊南旋。湘人甚缺。望粵人則以莊粵期近。額手相慶也。幹公若辭粵民將無嗷類。哀鳴叩請。聲嘶以悲。望鑒厥誠。松坡因病請假。留羅代蜀督。羅到桂任。恐無期並聞。啓超徵。

致岑西林電七月十七日

肇慶岑都司令鑒。前離肇時。由尊處在滇借款項下。撥交六千元充東游。及此間同人通電之費。弟既因聞畏輟行。實費及其他所需有限。尚能自行籌措。公教至艱。未敢濫用。現存中國銀行。未動分文。應撥充何項公益。乞商示。遵。啓超徵。

飲冰室文集

卷五十五

中華書局印行

復陳陸兩督軍電七月十七日

南軍陳督軍轉行管陸督軍鑒。銑電悉。公高蹈本懷。超所深悉。原不敢以鄉事攪擾。然岑局非公莫解。殆成全國輿論。西林固超所最望。然一則因宣言衰退已隱。此老磊落鯁直。有言必踐。其見重於天下亦在此。我輩愛人以德。不宜強以所難。二則西林近諸病復發。咯血頗劇。專局喘氣。腐心之事正多。或非所以優者。三則數月來岑龍逼處。惡感太深。恐龍不讓致勞。攻取非惟禍專愈滋。且亦損岑威望。四則安插龍所部軍隊。實將來一大難題。彼部多曾隸公麾下。公接手遺留較易。岑雖好終隔一層。且肇慶諸賢。憤龍已甚。操之過寬。尤恐激變。五則全粵久成盜匪世界。痛剿肅清。非公莫任。以此諸端。元首總揆之倚畀。我公實具苦心。尊電所言。固屬實情。超謹以代陳政府。惟為政府計。任命屢易。於威信不無失墜。能否聽採。殊不敢知。且聞龍已電京。謂待公到即交代。今若改命。恐生支離。專事將不可問。望公俯念粵人倒懸待救之血誠。不避艱辛。勉肩茲任。謹百拜哀請。仍盼示復。啓超徵。

復大總統國務卿電七月十九日

北京大總統國務院鈞鑒。奉條日大總統鈞電。以軍務院之成立撤銷。各應時宜。垂鑒勉勵。以將來匡濟之責。詢以目前結束之條。凡在同人。宜同欽感。啓超復以書生。激於義憤。追隨諸帥。偶贊戎機。嗣以遺憂。自陳解職。各方既職責有歸。局外本無勞嘆。導齒明。略獻愚忱。一此次西南以護法之故。出師逾十萬。滇黔桂皆瘁。粵督則始終未與肇慶開誠一致。故各方面軍費所出。竭蹶萬端。多特息借以支軍食。而正餉則積欠無算。今圖收束。非可空言。望飭所司。迅予籌維。俟各省及前敵各軍。核實冊報。提前撥發。二新開川督蔡錕。積勞致疾。屢電乞休。復委啓超代為陳請。蔡君年力富盛。報國之日正長。國家護惜人才。似當曲為矜恤。可否俟周旋釐定。許其休沐。三滇第二軍總司令李烈鈞。勞苦功高。昔任封疆。既經經驗。年來憂患。飽經。益復敏於就範。似宜優加倚畀。寬其賢勞。四此次死事諸賢。在義宜有崇恤。其陣亡將校。乞飭各軍主帥。從速冊報。啓超所知。有廣西代表前中國銀行總裁湯敏。因謀兩廣和平。在粵慘遭戕害。同難者尚有陸軍少將譚學夔。廣東警察廳長王廣齡等。皆一時俊彥。為國捐軀。似宜優加表恤。以慰忠魂。以上隨述所感。略酬荅詢。自餘欽冰室文集卷五十五

大計。政府國會。自能主持。未敢多瀆。謹復。梁啓超叩。皓。致各督軍各總司令。電七月二十四日。雲南唐督軍。肇慶岑都司。貴陽劉督軍。南寧陸督軍。陳督軍。瀘州蔡督軍。羅護督軍。慶戴省長。暨公說電。漾率。超前因對峙相猜。大局甚險。故本冀公六月蒸電之旨。力主速撤軍院。詞涉危急。諸公不噴責。而垂採銘感。良深。中央舉措。誠多不。人。然。上代。我八京兩旋。所述頗詳。今日之局。與其對峙增猜。不若統一協議。新聞員久不北行。致中央不得有力之發言。亦一失。若我謂彼不誠。彼亦謂我不誠。若緣此生反動。責任固分擔矣。現軍院既撤。彼疑我者已。但望閣員速往。國會穩健。彼此相顧不急。大局或可維持。善後費中央聲言允任。惟須敦敦。促事實上亦須彼籌款。有者索取乃有效也。綿薄所速。自當盡心。啓超敬

異哉所謂國體問題者。秋霖腹疾。一臥兼旬。感事懷人。百念灰盡。而戶以外。甚。塵上。歷然以國體問題。聞以厭作政談。如鄙人者。豈必更有所論列。雖然。獨於茲事有所不容已於言也。乃作

斯篇。吾當下筆之先。有二義當為讀者告。其一。當知鄙人原非如新進耳食家之心。醉共和。故於共和國體。非有所偏愛。而於其他國體。非有所偏惡。鄙人十年來。夙所持論。可取之。以與今日所論相對勘也。其二。當知鄙人又非如老輩墨守家之。斷爭朝代。首陽薇。魯連東海。此個人各因其地位而謀。所以自處之道。則有然若放。服以觀國家尊榮危亡之所。由則一姓之興替。豈有所擇。先辨此二義。以讀吾文。庶可以無蔽而適於正鵠也。

吾自昔常標一義。以告於衆。謂吾儕立憲黨之政論家。只問政體。不問國體。驟聞者或以此為取巧之言。不知此乃政論家當恪守之原則。無可踰越也。蓋國體之為物。既非政論家之所當問。尤非政論家之所能問。何以言乎。不當問。當國體。仿徨歧路之時。政治之一大部分。恆呈中止之狀態。殆無復政象之可言。而政論更安所麗。苟政論家而牽惹國體問題。故導之以入。彷徨歧路。則是先自壞其立足之礎。譬之欲陟而捐其階。欲渡而舍其舟也。故曰。不當問。何以言乎。不能問。凡國體之由甲種

而變為乙種。或由乙種而復變為甲種。其驅運而旋轉之者。恆存乎政治以外之勢力。其時機。未至耶。絕非緣政論家之贊成所能促進。其時機已至耶。又絕非緣政論家之反對所能制止。以政論家而容喙於國體問題。實不自量之甚也。故曰。不能問也。豈惟政論家為然。即實行之政治家。亦當有然。常在現行國體基礎之上。而謀政體政象之改進。此即政治家唯一之天職也。苟於此範圍外。越雷池一步。則是革命家之所為。非堂堂正正之政治家所當有事也。其消極的嚴守之範圍。則既若是矣。其積極的進取之範圍。則亦有焉。在甲種國體之下。為政治活動。在乙種反對國體之下。仍為同樣之政治活動。此不足為政治家之節操問題。惟犧牲其平日政治上之主張。以售易一時政治上之地位。斯則成為政治家之節操問題耳。是故不問國體。只問政體之一大義。實微上徹下。而政治家所最宜服膺也。夫國體本無絕對之美。而惟以已成之事實。為其成立存在之根原。欲憑學理為主奴。而施人為的取舍於其間。寧非天下絕癡妄之事。僅癡妄猶未足為深病也。惟於國體挾一愛憎之見。而以人為的。造成事實。以求與其愛憎相應。則禍害之中。於國

家將無已時故鄙人生平持論無論何種國體皆非所反對惟在現行國體之下而思以言論鼓吹他種國體則無論何時皆反對之昔吾對於在君主國體之下而鼓吹共和者嘗施反對矣吾前後關於此事之辯論殆不下二十萬言直至辛亥革命既起吾於其年九月猶著一小冊題曰新中國建設問題為最後維持舊國體之商榷吾果何愛於其時之皇室者彼皇室之侮辱我豈猶未極苟微革命吾至今猶為海外之僂民耳復次當時皇室政治種種予人以絕望吾非重慶吾非雙嶺何至漫無感覺顧乃冒天下之大不韙思為彼句垂絕之命豈有他哉以為若在當時現行國體之下而國民合羣策合羣力以圖政治之改革則希望之遂或倘有其期舊國體一經破壞而新國體未為人民所安習則當驟然變之數年間其危險苦痛將不可思議不幸則亡國恆於斯即幸而不亡而緣此沮政治改革之進行則國家所蒙之損失何由可贖嗚呼前事豈復忍道吾請國中有心人試取甲辰乙巳兩年新民叢報中之拙著一覆觀之凡辛亥迄今數年間全國民所受之苦痛何一不經吾當時層層道破其惡現象循環迭生之程度豈有一焉能出吾當時預言之外然而飲冰室文集 卷五十五 中華書局印行

大聲疾呼垂涕婉勸遂終無福命以荷國民之嘉納而變更國體所得之結果今則既若是矣今喘息未定而第二次變更國體之議又復起此議起因之真相何在吾未敢深知就表面觀之乃起於美國博士古德諾氏一席之譚話古氏曾否有此種主張其主張之意何在亦非吾所敢深知也則與英美文報記者古氏論中各要點若對於共和君主之得失為抽象的比較若論國體須與國情相適應若歷舉中美南美墨蘭之覆轍凡此諸義本極普通非有甚深微妙何以國中政客如林學士如劉數年之間並此淺近之理論事實而無所覺識而至今乃忽借一外國人之口以為重吾實感之若曰此義非外國博士不能發明耶則其他勿論即如鄙人者雖學識陋陋不逮古博士萬一然博士今茲之大著宜可謂無意中與我十年舊論同其牙慧特其透關精悍尚不及我什分之一耳此非吾妄自夸誣坊間所行新民叢報飲冰室文集立憲論與革命論之激戰新中國建設問題等不下百數十萬本可覆按也獨惜吾暗不藍吾不赤故吾之論宜不為國人所傾聽耳夫

孰謂共和利害之不宜商榷然商榷自有其時當辛亥革命初起其最宜商榷之時也過此以往則殆非復可以商榷之時也夫共和之利與害之權衡其始則在列國當彼之時公等皆安在當彼之時世界學者比較國體得失之理論豈無一著述足供參考當彼之時美墨各國皆太平宴樂絕無慘狀呈現以資我龜鑑當彼之時迂拙愚惑如鄙人者以為羈泊海外之身憂共和之不適著論騰書淚沾血盡平生札不存稿今無可取雖然得吾書者當自知之吾當時有詩云報誌志昂得存吳計恐疏又云廷祐安可獨地恐難復張又云議處居其所言欲助可式自餘則有數論報也而識時務之後俟方日日以促進共和為專謂共和為萬國治安之極軌謂共和為中國歷史所固有也嗚呼天下重器也可靜而不可動也豈其可以翻覆嘗試廢置如弈棋謂吾姑且自埋焉而預計所以自擯之也譬諸男女婚嫁相攸伊始宜慎之又慎萬不可孟浪以失身於匪人倘蹈危機則家族親知臨事犯難以相匡救宜也當前此饒有審擇餘地之時漫置不省相率慙慙以遂苟合及結褵已歷年所乃日聒於其旁曰汝之所天殊不足以仰望而終身也愛人以德宜如是耶夫使共和而誠足以亡國也則須知當公等與高采烈以提倡共和促進共和之日即為陷中國於萬劫不復之時諺有之既有今日何必當初人生幾何造一次大罪孽猶以為未足忍又從而益之也夫共和之建曾幾何時而謀推翻共和者乃以共和元勳為主動而其不職時務猶稍致留戀於共和者乃反在囁舌反對共和之人天下之怪事蓋莫過是天下之可哀又莫過是也今之論者則曰與其共和而專制孰若君主而立憲夫立憲與非立憲則政體之名詞也共和與非共和則國體之名詞也吾儕平昔持論只問政體不問國體故以為政體能立憲則無論國體為君主為共和無一而不可也政體而非立憲則無論國體為君主為共和無一而不可也國體與政體本截然不相繫謂欲變更政體而必須以變更國體為手段天下寧有此理論而前此論者謂君主決不能立憲惟共和始能立憲戰時使嘗持論如此今茲論者又謂共和決不能立憲惟君主始能立憲吾誠不知其據何種論理以自完其說也吾今請先與論者確定立憲之界說然後徐察其論旨之能否成立所謂立憲者豈非必有監督機關與執行機關相對峙而政權之行使常受若干之限制耶所謂君主立憲者豈非以君主無責任為最大原

飲冰室文集 卷五十五 中華書局印行

則以建設責任內閣爲必要條件耶既認定此簡單之立憲界說則更須假定一事實以爲論辯之根據吾欲問論者以將來理想上之君主爲何人更實言之則其人爲今大總統耶抑於今大總統以外而別覓丹穴以求得之耶今大總統不肯帝制論耳不敬之罪吾所甘受也如曰別求得其人也則將置今大總統於何地大總統盡瘁國事既久苟自爲計者豈不願速釋此重負願養林泉試問我全國國民能否容大總統以自逸然則將使大總統在虛君之下而組織責任內閣耶就令大總統以國爲重肯降心相就而以全國託命之身當議會責任之衝其危險又當何若是故於今大總統以外別求求得君主而謂君主立憲即可實現其說不能成立也如曰即戴今大總統爲君主也微論我大總統先自不肯承認也就令大總統爲國家百年大計起見甘自犧牲一切以徇民望而我國民所要求於大總統者豈希望其作一無責任之君主夫無責任之君主歐美人民常比諸受參之肥腴耳優美崇高之裝飾品耳以今日中國萬急之時局是否宜以如此重要之人投諸如此閑散之地藉曰今大總統不妨爲無責任之君主也而責任內閣之能否成立能否適用仍是一歟

卷五十五

九 中華書局印行

問題非謂大總統不能容責任內閣於其下也現在國中欲求具此才能實望之人足以代元首負此責者吾竟苦未之見蓋今日凡百艱鉅非我大總統自當其衝云誰能理任擇一人而使之代大總統負責微論其才力不逮也而威令先自不行昔之由內閣制而變爲總統制蓋適應於時勢之要求而起廢之良藥也今後一兩年間之時勢豈能有以大異於前而謂國體一更改制即可隨之翻然而改非英雄欺人之言即當生迂闊之論耳是故假定今大總統肯爲君主而謂君主立憲即可實現其說亦不能成立也

然則今之標立憲主義以爲國體論之護符者除非其於立憲二字別有解釋則吾不敢言夫前清之末葉則固自謂立憲矣試問論者能承認否且吾欲問論者按何券約敢保證國體一變之後而憲政即可實行而無障如其不然則仍是單純之君主論非君主立憲論也既非君主立憲則其爲君主專制自無待言不忍於共和之敵而欲以君主專制代之謂爲良圖實所未解今在共和國體之下而暫行專制其中種種不得已之理由犯衆諱以行之尙能爲天下所共諒今如論者所規畫欲

以立憲政體與君主國體爲交換條件使其說果行則當國體改定伊始勢必且以實行立憲宣示國民宣示以後萬一現今種種不得已之理由依然存在爲應彼時時勢之要求起見又不得不仍行專制吾恐天下人遂不復能爲元首諒矣夫外蒙立憲之名而內行非立憲之實此所謂清之所以崩潰也詩曰殷鑒不遠在夏后之世論者其念諸

且論者如誠以希求立憲爲職志也則曷爲在共和國體之下不能遂此希求而必須行曲以假塗於君主實感之吾以爲中國現在不能立憲之原因蓋有多種或緣夫地方之情勢或緣夫當軸之心理或緣夫人民之習慣與能力然此諸原因者初非因行共和而始發生即不能因非共和而遂消滅例如上自元首下至中外大小獨立官署之長官皆有厭受法律束縛之心常感自由應付爲便利此即憲政一大障礙也問此於國體之變不變有何關係也例如人民絕無政治興味絕無政治知識其道德及能力皆不能組織真正之政黨以運用神聖之議會此又憲政一大障礙也問此於國體之變不變有何關係也諸類此者若令吾悉數之將累數千事歟

卷五十五

九 中華書局印行

而不能盡然皆不能以之府罪於共和甚章章也而謂共和時代不能得者一入君主時代即能得之又謂君主時代能得者共和時代決不能得之以吾之愚乃百思不得其解吾以爲中國而思實行立憲乎但求視新約法爲神聖字字求其實行而無或思遷於法外一面設法多予人民以接近政治之機會而毋或獲其智識關其能力挫其興味壞其操行之數年效必立見不此之務而徒以現行國體爲病此朱子所謂不能使船燠曲者也

主張變更國體者最有力之論據則謂當選舉總統時易生變亂此誠有然吾十年來不敢輕於附和共和則亦以此論者如欲自伸其現時所主張以駁詰我吾勸其不必自行屬稿不如輯錄吾舊著較爲痛快詳盡也今幸也茲事既已得有比較的補救良法蓋新頒之大總統選舉法事實上已成爲終身總統制則今大總統健在之日此種危險問題自末由發生所憂者乃在今大總統千秋萬歲後事耳夫此事則豈復國民所忍言然人生血肉之軀即上壽亦安能免固無所容其忌諱今請遂爲毋諱之言吾以爲若天佑中國今大總統能更爲我國盡瘁至十年以外而於其

間整飭紀綱培養元氣固結人心消除隱患自茲以往君主可也共和亦可也若昊天不弔今大總統創業未半而遽奪諸國民之手則中國惟有廢爛而已雖百變其國體夫安有幸是故中國將來亂與不亂全視乎今大總統之壽命與其御宇期內之所設施而國體無論爲君主爲共和其結果殊無擇也聞者猶有疑乎請更窮極事理以質言之夫君主共和之異則亦在元首繼承法而已此種繼承法雖今元首在世時制定之然必俟今元首即世時而始發生效力至易見也彼時所發生之效力能否恰如所期則其一當視前元首生前之功德威信能否及於身後其二當視彼時有無梟雄跋扈之人其人數之多寡與所憑藉是否足以持異議吾以爲立此標準以測將來無論爲君主爲共和其結果常同一也現行大總統選舉法規定後任大總統應由前任大總統推薦預寄其名以藏諸石室金匱使今大總統一面崇閱其功德而鞏固其威信令國人心悅誠服雖百世之後猶尊重其遺令而不忍悖一面默察將來易於亂之種子何在何處思所以預防維而消弭之其種子存乎制度上耶則改其制度毋使爲野心家之資其種子存乎人耶則裁抑其人導之以正欽冰室文集卷五十五 中華書局印行

善位置而保全之毋使陷於不義漢光武宋太祖更一面慎擇可以付託大業之人依大總統選舉法無不自由也試以二人以爲之副而已如是則當登壇投票之時豈復有絲毫紛爭之餘地代代總統能如是難行之數百年不敵可也而不然者則區區紙片上之皇室與範抑何足恃試歷覽古來帝王家之掌故其陳尸在堂操戈在闕者又何可勝數從可知國家安危治亂之所伏固別有在而不在憲與形式上之共和君主明矣論者咸引墨西哥之五總統爭立及中美南美葡萄牙之喪亂以爲共和不如君主之鐵證推其論指得毋謂此諸國者苟變其國體爲君主而喪亂遂可以免也吾且詰彼彼亞士之統治墨西哥三十年矣而今歲五月月餘始客死於外使因總統繼承問題而致亂則亂宜起於今年耳若謂國體果爲君主斯可以毋亂且使亞士當三十年前而有如古德諾者以爲之提示有如籌安會者以爲之鼓吹而參氏亦懷然從之以制定其皇室典範則墨人宜若可以長治久安與天同壽矣而豈知若爾爾者則彼之皇室典範未至發生效力時彼自身先已

逃亡於外其皇室典範猶廢紙也夫及身猶不能免於亂而謂死後特一紙皇室典範可以已亂五尺之童有以知其不然矣故墨西哥之必亂無論爲共和爲君主其結果皆同一也所以者何參亞士假共和之名行專制之實在職三十年不務培養國本惟汲汲爲國位之計擁兵自衛以劫持其民又慮軍隊之驕橫常挑間之使互相反目以遂己之操縱雖錫異己惟力是視其對於愛國之士或賄賂以變其節或暗殺以戕其生又好鋪張門面用財如泥外則廣借外債內則橫征暴斂以至民窮財盡無可控制吾當十年前嘗評參氏爲當時無兩之怪傑然固已謂彼死之後洪水必來參氏將無噍類矣此皆吾十年前評參氏之言言見新報及新大總統見國風報參氏之政治罪惡其言方始起也

由參氏之道以長國家幸而託於共和之名猶得竊據三十年易以君主恐其亡更早矣中美南美諸國亦然歷代總統皆以武力爲得位之階梯故武力相尋無已時共和不適固不失爲致亂之一原因若謂此爲唯一之原因吾有以明其不然矣若蘭葡萄牙改共和後不免於亂斯固然也然彼非因亂又何以前此亂時其國體非君主耶共和必召亂而君主即足以致治天下寧有此論理波斯非君主國耶土耳其非君主國耶俄羅斯非君主國耶試一翻其近數十年之歷史不亂者能有幾稔彼曾無選舉總統之事而亦如此則何說也我國五胡十六國五代十國之時亦曾無選舉總統之事而喪亂慘酷一如墨美則又何說也凡立論者徵引客觀之資料不能專憑主觀的臆情以爲去取果爾者不能欺人徒自欺耳平心論之無論何種國體皆足以致治皆足以致亂治亂之大原什九恆繫於政象而不繫於國體而國體與國情不相應則其導亂之機括較多且易此無可爲證也故鄙人自始不敢妄信共和至今仍不敢迷信共和與公等有同情也顧不敢如公等之悍然主張變更國體者吾數年來懷抱一種不能明言之隱痛深慟當自辛亥壬子之交鑄此一大錯而中國前途之希望所餘已復無幾蓋既深感共和國體之難以圖存又深感君主國體之難以規復是用怵惕彷徨憂傷焦萃往往獨居深念如發狂易特以舉國人人方皆心灰意盡吾何必更增益此種楚囚之態故反每作壯語以相激誦然吾力已幾於不能自振矣吾友徐佛蘇當五六年前來爲我言謂中國勢不能不革命革命勢不能不共和共和勢不能不

亡國。吾至今深味其言。欲求所以被此妖讖者而殄苦無術也。夫共和國體之難以圖存。公等當優能言之矣。吾又謂君主國體之難以規復者。則又何也。蓋君主之爲物。原類歷史。習俗上。一種似魔非魔之觀念。以保其尊嚴。此種尊嚴。自能於無形中發生。一種效力直接間接以鎮懾此國君主之可貴。其必在此。雖然尊嚴者不可棄者也。一度衰焉而遂將不復能維持詩範彫土木偶名之曰神。昇諸閭閻供諸華龕。羣相拜禮。靈應如響。忽有狂生拽倒而踐踏之。投諸爛輪。經旬無狀。雖復昇取以重入殿龕。而其靈則已渺矣。自古君主國體之國。其人民之對於君主。恆視爲一種神聖。於其地位不敢妄生言思。擬議若經一度共和之後。此種觀念遂如斷者之不可復續。試觀近世之共和。其不患苦共和者有幾。而遂無一國焉能有術以脫共和之軌。況中惟法國共和以後。帝政兩見。王政一見。然皆不轉瞬而覆也。則由共和復返於君主。其難可想也。我國共和之日。雖曰尚淺。然醞釀之則既十餘年。實行之亦既四年。當其醞釀也。革命家醜詆君主。比諸惡魔。務以滅殺人民之信仰。其尊嚴漸衰。然後革命之功乃克集也。而當國體驟變之際。與既變之後。官府之文告。政

欽定四庫全集

卷五十五

中華書局印行

黨之宣言。報章之言論。街巷之談說。道及君主。恆必以惡語冠之。隨之蓋尊神而入涵淪之日久矣。今微論規復之不易也。強爲規復。欲求曠昔尊嚴之效。豈可更得。復次共和後。規復君主。以舊王統復活。爲勢最順。使前清而非有種族嫌疑。則英之查理第二。法之路易第十八。原未嘗不可出現於我國。然滿洲則非其倫也。若新建之皇統。則非經若干年之艱難締構。功德在民。其克祈永命者希矣。是故吾數年來。踴居深念。亦私謂中國若能復返於帝政。庶易以圖存。而欲帝政之出現。惟有二途。其一則今大總統內治修明之後。百廢俱興。家給人足。整軍經武。嘗膽臥薪。遇有機緣。對外一戰而霸功德巍巍。億兆歡迎。受茲大寶。傳諸無窮。其二則經第二次大亂之後。全國鼎沸。羣雄割據。剪滅之餘。乃定於一夫。使出於第二途。耶。則吾儕何必作此祝禱。果其有此中國之民。無不遺矣。而戡定之者。是否爲我族類。益不可知。是等於亡而已。獨至第一途。則今正以大有爲之人居可有爲之勢。稍假歲月。可冀旋至。而立有效。中國前途一線之希望。豈不在是耶。故以謂吾儕國民之在今日。最宜勿生事。以重勞總統之憂慮。俾得專精慮。爲國家謀大興。則吾儕最後最大

之目的。庶幾有實現之一日。今年何年耶。今日何日耶。大難甫平。喘息未定。強鄰脅迫。摩定盟水旱。鴻蝗災區。偏國數端。在澤伏莽。在在昔哲。后正宜撤懸避殿之時。今獨何心。乃有上號勸進之舉。夫果未熟而摘之。實傷其根。孕未滿而催之。實戕其母。吾儕昔所言中國前途一線之希望。萬一以非時之故而從茲一蹶。則倡論之人。雖九死何以謝天下。願公等慎思之。

詩曰。民亦勞止。汔可小息。自辛亥八月迄今。未盈四年。忽而滿洲立憲。忽而五族共和。忽而臨時總統。忽而正式總統。忽而制定約法。忽而修改約法。忽而召集國會。忽而解散國會。忽而內閣制。忽而總統制。忽而任期總統。忽而終身總統。忽而以約法暫代憲法。忽而催促制定憲法。大抵一制度之頒行。平均不盈半年。旋即有反對之新制度起而推翻之。使全國民彷徨迷惑。莫知適從。政府威信掃地盡矣。今日對內對外之要圖。其可以論列者。不知凡幾。公等欲盡將順匡救之職。何事不足以自效。何苦無風鼓浪。與妖作怪。徒淆民視聽。而貽國家以無窮之戚也。

吾言幾盡矣。惟更有一二義。宜爲公等忠告者。公等主張君主國體。其心目中。之將

欽定四庫全集

卷五十五

中華書局印行

來。吾主爲誰氏。不能不求公等質言之。若欲求諸今大總統以外。則今大總統朝甫思肩中國國家。暮即屬續以公等之明。豈其見不及此。見及此而猶作此陰謀。寧非有深仇積恨於國家。必絕其命而始快。此四萬萬人所宜共誅也。若即欲求諸今大總統。耶。今大總統即位宣誓之語。上以告皇天后土。下則中外舍生之僑實共聞之。年來浮議漸興。而大總統偶有所聞。輒義形於色。謂無論若何敦迫。終不肯以奪志。此凡百僚從容瞻覲者所常習聞。即鄙人固亦歷歷在耳。而馮華甫上將且爲余述其所受語。謂已備數椽之室於英倫。若國民終不見舍。行將以彼土作汶上。由此以談。則今大總統之決心。可共見也。公等豈其漫無所聞。乃無端而議此非常之舉耶。設念及此。則侮辱大總統之罪。又豈擻髮可數。此亦四萬萬人所宜共誅也。復次。公等曾否讀約法。曾否讀暫行刑律。曾否讀結社集會法。曾否讀報律。曾否讀一年來大總統關係清亂國體德微之各申令。公等又曾否知爲國民者。應有恪遵憲典法令之義務。乃公然在聲數之下。號召徒衆。煽動革命。凡謀變更國體。則謂之也。執法者。憚其貴近。莫敢誰何。而公等乃益白晝橫行。無復忌憚。公等所籌將來之

治安如何。吾不敢知而目前之紀綱則既被公等破壞盡矣。如曰無紀綱而可以爲國也。吾復何言。如其否也。則請公等有以語我來。且吾更有願爲公等進一解者。公等之倡此議其不願徒託諸空言甚明也。其必且希望所主張者能實見施行更申言之。則希望其所理想之君主國體一度建設則基業永固。傳諸無窮也。夫此基業果遵何道。始能永固以傳諸無窮。其必自國家機關令出惟行。朝野上下守法如命。今當開國成家伊始而首假塗於犯法之舉動以爲實督諸欲娶婦者。橫挑人家。闖以遂苟合。曰但求事成而節操可毋沾沾也。則其既爲吾婦之後。又有何詞以責其不貞者。今在共和國體之下。而曰可以明目張膽集會結社以圖推翻共和。則他日在君主國體之下。又焉爲不可以明目張膽集會結社以圖推翻君主。使其時復有他之博士提示別種學說有他之團體希圖別種活動不知何以待之。詩曰。毋教猱升木。如塗塗附。謀國者而出於此。其不智不亦甚耶。孟子曰。君子創業垂統爲可繼也。以不可繼者詔示將來。其不祥不亦甚耶。昔干令升作晉紀總論。推原司馬氏專制之由而數其創基植本。異於三代。陶淵明之詩亦曰。本不植高原。今日復飲冰室文集卷五十五

中華書局印行

何悔嗚呼。吾期於今茲之事而隱憂乃無極也。

(附言) 吾作此文既成後。得所謂籌安會者寄示楊度氏所著君憲救國論。偶一翻閱。見其中有數語云。「蓋立憲者。國家有一定之法制。自元首以及國人。皆不能爲法律外之行動。賢者不能逾法律而爲善。不肖者亦不能逾法律而爲惡。」深歎其於立憲精義能一語道破。惟吾欲問楊氏所長之籌安會。爲法律內之行動。抑法律外之行動耶。楊氏賢者也。或能自信非踰法律以爲惡。然得毋已踰法律以爲善耶。嗚呼。以昌言君憲之人而行動若此。其所謂君憲者。從可想耳。而君憲之前途亦從可想耳。

孟子曰。子豈好辯哉。予不得已也。以生平只問政體不問國體如鄙人者。易爲當前此公等第一次主張變更國體時而嗚嗚取厭。當今日公等第二次主張變更國體時而復嗚嗚取厭。夫變更政體則進化的現象也。而變更國體則革命的現象也。進化的軌道恆繼之以進化而革命之軌道恆繼之以革命。此徵諸學理有然徵諸各國前事亦什九皆然也。是故凡謀國者必憚言革命而鄙人則無論何時皆反對革

命。今日反對公等之君主革命論與前此反對公等之共和革命論同斯職志也。夏以中國今日當元氣彫敝。汲汲顧影之時。竭力裁之。猶懼不培。並日理之。猶懼不給。豈可復將人才日力耗諸無用之地。日擾擾於無足重輕之國體而阻滯政體改革之進行。徒阻滯進行。猶可言也。乃使舉國人心皇皇共疑駭於此種翻雲覆雨之局。不知何時而始能脫稿。則其無形中之斲喪所損失云何。能盡詩曰。嗟我兄弟。邦人諸友。莫肯念亂。誰無父母。嗚呼。論者其念之哉。其念之哉。

或曰。革命者事實之不得已也。天下惟已成之事實爲不可抗。吾子噫昔抗之不已。以自取慘辱。今何必復爾爾。爾者惟然吾國知之。然使吾捐棄吾良心之所主張。吾之受性質有所不能。故明知其無益焉而不能以自已也。屈原賈志於汨羅而賈生損年於墮馬。問其何以然。恐非惟不能喻於人。抑亦不自喻也。吾昔曾有詩云。十年以後當思我。舉國猶狂欲語誰。吾生平之言亦多矣。大抵言之經十年之後。未有不繫人懷思者。然非至十年以後。則終無道以獲國人之傾聽。其爲吾之不幸耶。其爲國家之不幸耶。嗚呼。吾願自今十年之後。國人毋復思吾今日之言。則國家無疆之休飲冰室文集卷五十五

中華書局印行

焉耳。

國體問題與外交

吾對於外間所謂國體問題者。既已辭而闕之矣。惟於外交方面。尚未論及。今約略一商榷如下。

變更國體。於內治上能生若何之效果。茲勿贅論。但曷爲當歐戰方酣之今日。忽倡此議。若有迫不及待者存。吾實感之。推論者之意。得毋欲乘列強多事之秋。無暇相干涉。而我乃得孤行其意也。夫一國國體之變。本爲戶內之事。苟非緣此釀成大擾亂。以妨及國際間之治安。則外人應無所容其干涉。不必乘人多事而始圖之也。雖然干涉與不干涉。其道存諸我承認與不承認。其權操諸人。雖不干涉矣。而其承認新國體。猶必出以觀望。此事理之無可逃避者。徵諸民國之已事。而最易見也。就令非有意觀望。然既無干涉之餘暇。則亦必無承認之餘暇。甚明也。故以吾料之。我國若於今日變更國體。就令列強皆無違言。而欲其完全正式承認。則非俟歐洲平和會議告竣之日。決無望也。夫此次之平和會議。其必不徒解決歐洲問題而已。

而遠東問題必爲重要議案之一此稍有識者所能見及也故我外交當局方日籌將來所以參預折衝之道今若忽焉變更國體未經承認則並國際團體之資格而失之更何塗以求參預於斯時也恐有自命爲遠東主人翁者代表我以解決一切則吾國其從茲已矣信如是也則今之倡變更國體說者雖萬死何以謝天下也復次遠東之局雖爲歐美人所深注意而其發言力最強者實我肘腋間之一國此衆所同見也此一國者既有承認之餘暇則亦有干涉之餘暇謂我國生此大事彼不乘機謀交換利益而袖手以相承認雖五尺之童有以恥其不然而不應耶試揣彼力能否相抗不必積極的干涉但使消極的不承認則新皇室其既盱眙矣其應之耶試環觀國人對於彼之惡感爲何如遷就之以締造新皇室則新皇室之府怨於民又何如者而謂能長治久安吾未之前聞信如是也則今之倡變更國體說者又雖萬死何以謝天下也

以上所陳皆至淺之事理不易之形勢而今也國體論八表同昏似於此毫末有所覺察吾雖欲無言又安能無言

欽冰室文集 卷五十五

中華書局印行

袁政府偽造民意密電書後

雲南軍政府討賊檄文中指斥袁世凱運動帝制之罪惡有威信利誘矯誣民意等語袁氏乃嗾其素所奴畜之參政院反唇相稽謂雲南亦曾經表決贊成曾經請願推戴誰實僞之而誰實誘之者嗚呼吾至是而不得不嘆袁氏惡膽之鉅而凶顏之厚也自國體問題發生以來所謂討論者皆袁氏自討自論所謂贊成者皆袁氏自贊自成所謂請願者皆袁氏自請自願所謂表決者皆袁氏自表自決所謂推戴者皆袁氏自推自戴舉凡國內國外明眼人其誰不知者然而袁氏方以爲天下皆易欺較不自承以至今日今北京政府致各省將軍巡按密電之全文既暴露矣其電皆有姓名有月日有印據原紙且經軍政府拍照印布袁氏及其黨人縱有萬手當莫能掩縱有萬嘴當莫能賴則請我全國父老昆弟乃至普天下萬國含生負氣之人類試一張目以視一閉目以思此果何等妖孽何等罪業而乃容其橫行於光天化日之下而莫或過問也今請將其各電中要點摘錄指證之九月二十六日孫毓筠電云「現擬另籌徵求民意辦法由各將軍巡按使都統就在省各縣紳民中

欽冰室文集 卷五十五

中華書局印行

每縣擇定一人召集臨時公民大會」九月二十七日籌安會代表團電云「各縣投票人事實上雖係軍民長官指定而形式上仍須用各縣推舉字樣以昭鄭重一面指定各縣投票人一面即將各縣投票人姓名分飭各縣知事補具詳文正式推舉但須倒填日月耳」八月三十日段芝貴等十人電云「現擬定第一次辦法用各省公民名義向參政院代行立法院上請願改革書每省各具一請願書均由此間代辦隨將稿底電聞請將署名並貴省紳商列入」夫公民名義而曰用誰用之政府用之也用其名者謂不必取其實云爾請願改革公民而由將軍巡按使都統就在省人員擇定公民耶私民耶請讀者一裁判之各省請願改革書乃由段芝貴等十人代擬此誰實願之而誰實請之者乃至二十餘省之將軍巡按使紳商皆由北京政府代爲之列名民意耶官意耶帝意耶請讀者一裁判之九月二十九日朱啓鈴等電云「現正提議另組公民大會即在各省會地點開會表決以期速定大計惟組織之方法雖由參政院議定而組織之精神則在各監督長官有以操縱之而利用之此項公民每縣擬公推一人能於在省各機關中挑選此項人員必不至於誤會意旨」觀此則公民機關全出於長官之操縱利用可知也請讀者試思所謂利用操縱者何事而意旨之示人以勿誤會者又何事也公民而在省中各機關挑選公民耶公吏耶請讀者一裁判之十月七日朱啓鈴等十人電云「國民代表大會推戴電中須有恭戴今大總統袁世凱爲中華民國皇帝字樣委託參政院爲國民代表大會總代表電須用各省國民大會名義至商軍政各界推戴電簽名者愈多愈妙將來宣詔登極時國民代表大會及商軍政各界慶賀書亦請預擬備用」觀此則推戴袁世凱之由來可知也參政院得有國民總代表資格之由來可知也乃至各省各界無量數之推戴電及慶賀書其由來皆可也民意耶官意耶帝意耶請讀者一裁判之十月十日國民會議事務局電云「國民會議議員各縣之初選當選人實爲產出國民代表之樞機尤宜特別注意各縣初選監督當能體會入微善爲運用儘可於未舉行初選之前先將有被選資格之人詳加考察擇其性行純和宗旨一貫能就範圍者預擬爲初選當選人再將選舉人設法指揮妥爲支配果有齟齬難通處不妨隱加以無形之強制」觀此則國民大會之當選人以何種